



## Векало ПахІала тассалникахошка яздина хьалхара кехат

Тассалник-Гала Рим-пачхьалкхан чубогІучу Македон-мехкан коьрта Гала яра. Пилап-Галара дІа а веана, цигахь Ийсах тешачийн цхьа тоба дІахІоттийра векало ПахІала. Цо хьехам бора кхечу мехкашкара болчу а, жуьгтийн дин керла хІума санна лоруш болчу а нахана. Цу хьехамна аьтто баьллера. Ткъа цхьадолчу жуьгташна и хІума хаза ца хийтира, цундела, жимма хан яьлча, цу жуьгташа дуьхьало йира ПахІална. И бахьана долуш, ПахІалан Тассалник-Галара дІаваха дийзира. Берия-Гала вахара иза. ТІаьхьо, ПахІал Коринт-Гала кхьаьчча, цуьнан накьост волчу Тимапис Тассалник-Галахь йолчу Ийсах тешачийн тобанан хьолах лаьцна шегара хабар дира цуьнга.

*Векало ПахІала тассалникахошка яздина хьалхара кехат* цигахь Іаш болчу Ийсах тешарш иракарахІитто а, уьш тешарехь чІагІбан а яздина дара. Церан тешарх а, беамаха а долу хабар шегга кхачарна баркалла боху цо. Ша Тассалникехь волчу хенахь муха Іийра дагадоуьйту ПахІала царна. Цул тІаьхьа Дала леррина Кьобалвинарг юхаварах лаьцна долчу церан хаттаршна жоп ло цо: Дала леррина Кьобалвинарг юхавале велларг хедар доцучу дахарехь хир вуй, Иза юхаванчул тІаьхьа? Юха маца во-гІур ву Дала леррина Кьобалвинарг? Иза юхаваре сатуьйсусш Іачу хенахь, паргІат болх а беш, Іе боху цаьрга ПахІала.

### Маршалла

**1** ПахІала а, Салис а, Тимапис а хІара кехат яздо вайн Да волчу Делах а, Веза Эла волчу Ийсах а тешачийн Тассалник-Галара тобане. Делан дика а, синпаргІато а хуьлда шуна.

### Тассалникахойн дахар а, Делах тешар а

<sup>2</sup>Тхайн доІанашкахь, шу дага а лобьцуш, шуна массарна тІера даим Дала хастам бо оха. <sup>3</sup>Шаьш Делах тешаш хиларна, аша дика гІуллакхаш дар а, аша безамца кьахьегар а, вайн Везачу Эле, Дала леррина кьобалвинчу

Ийсага шу тешамца сатуьйсусш хилар а даим а вайн Да волчу Далла хьалха дагахь латтадо оха. <sup>4</sup>Далла безна болу динан вежарий, шу Дала хьаржина хилар хаьа тхуна. <sup>5</sup>Шу долчохь тхан хаза кхьаь кхайкхор дашца бен хилла ца Іаш, Делан ницкъаца а, Делан Синца а, кхин а боккхачу тешамца а ма бара. Шуна шайна хаьа, шун дуьхьа шуна юкьахь тхо муха Іара. <sup>6</sup>Делан дош тІе а эсна, тхох а, Везачу Элах а тарделла дІахІитти шу а. Аша дукха баланаш лайнехь а, Делан Сино хазаетар лора шуна. <sup>7</sup>Цундела Македон-махкахь а, Ахай-махкахь а массо а Ийсах тешаш болчарна шух масал хилла. <sup>8</sup>Ткъа Везачу Элан дош а, шун Делах тешарх болу хаам а шуьгара Македон-махка а, Ахай-махка а кхьаьчна ца Іаш, массо а кхечу меттигашка а дІасабаьржина. Цундела шух лаьцна оха дийца обьшуш кхин цхьа а хІумма дац. <sup>9</sup>ХІунда аьлча цара шаьш а дуьйцу тхох лаьцна. Цара дуьйцу, тхо шуна тІе муха даьхкира а, иштта шу, цІуйх дІа а дирзина, Делехьа дерзарх лаьцна а, дийначу а, бакьволчу а Далла гІуллакх дархьама. <sup>10</sup>Цара дуьйцу, Делан КІант стигалшкара схьаваре шу муха ладоьгІуш ду. Дала веллачуьра денвина волу а, тІейогІу йолчу Делан обьгІазлонах вай кІел-хьардоху волу а Ийса ма ву и КІант.

### ПахІала Тассалник-Галахь бина болх

**2** <sup>1</sup>Динан вежарий, шуна хаьа, тхан шуна тІедахкар эрна ца хилар. <sup>2</sup>Ткъа, шуна ма-хаьара, хьалха Пилап-Галахь баланаш а лайна, сий дайина дара тхо. Тхайна луьра дуьхьало йинехь а, тхайца Дела волу дела, тхо майрра шуна хаза кхьаь кхайкхо гІиртира. <sup>3</sup>ХІунда аьлча тхан хьехамашкахь дацара шу тило гІертар, я цхьа вониг шуна хила лаар, я шуна хІилла дар. <sup>4</sup>Ткъа Дала тхан сий а дина, Шен хаза кхьаь тешарца тхобга кховдоре терра, иштта, адаманна томана а доцуш, амма вайн дегнаш зуьйш волу Дела лоруш, бо оха и хьехамаш. <sup>5</sup>ХІунда аьлча, шуна ма-хаьара, тхо цкъа а дацара шу хестош я шуьгара тхайна пайда лобьхуш. Дела теш ву-кх! <sup>6</sup>Шуна я кхечарна тхьаьш ларар я тхо хестор тІе ца дуьллу оха. <sup>7</sup>Тхьаьш Дала леррина Кьобалвинчун векалш хиларе терра, тхьаьш лоруьйтуш дахка йиш яра тхан, делахь а, бераш кхобург шен берашца кІеда-мерза ма-хиллара, шуна юкьахь тийна Іийра тхо\*. <sup>8</sup>Иштта тхо шух дІайина дела а, тхайна шу дезадаларна а шуна Делера болу хаза кхьаь кхайкхийна оха. И дина а ца Іаш, тхайн синош а, ца кхоош, шуна дІадала лиира тхуна. <sup>9</sup>ХІунда аьлча, динан вежарий, шуна дагадогІу-кх шу долчохь оха хаза кхьаь кхайкхочу хенахь, тхайх шуна бала ца бархьама, буьйсанна а, дийнахь а оха хьегна къа а, тхуна хилла ницкъ а. <sup>10</sup>Шу а, Дела а теш ду-кх, Делах

\* <sup>2:7</sup> Шуна юкьахь тийна Іийра тхо. Кхечу тептарш тІехь: шуна юкьахь, кегий бераш санна, Іийра тхо.

<sup>1:1</sup> Векалийн 17:1.

<sup>1:6</sup> Векалийн 17:5-9. <sup>2:2</sup> Векалийн 16:19-24; Векалийн 17:1-9.

тешачу шуна хьалха цѐна а, Делан лаамехъ а, ала хІума а ца дуйтуш тхо муха Іара. <sup>11</sup> Шуна хууш ду-кх, шух хІора а, дас шен бераш санна, лелавора оха. <sup>12</sup> Шуйга дехарш а дора, шу иракара а хІиттадора, шуна синтем а бора оха, Шен Олалле а, сийлалле а кхайкхинчу Далла хьалха шу хьакъ долуш дахийтархьама.

<sup>13</sup> Кхин а цхьа бахъана ду, оха гуттара а Далла хастамаш баран. Аша тхобгара Делан дош тІейцира, адамиин дош санна а доцуш, амма Делан дош санна (иза иштта дан а ма ду). Делаш тешначу шуна чохъ хІара дош болх беш а ду. <sup>14</sup> Динан вежарий, шу ЯхІуд-махкарчу динан тобанех тарделла. Цу тобаниин нах Делаш тешаш а, Дала леррина къобалвинчу Иийсан долахъ болуш а беллахъ а, цара шайн махкахошкахъара баланах хьегна. Царах терра аша а изза баланах лайна шайн цхьанатайпанах болчу нехан карах. <sup>15</sup> Веза Эла волу Дала леррина къобалвина Иийса а, пайхамарш а яхІудхоша байинера. Тхо а дІалахкинера цара. Делан лаамехъ бац уьш, массо а адамна мостагІий хилла царах. <sup>16</sup> Цара новкъарло йо тхуна, Делан кхелах кІелхъардовлар муха хила деза кхечу къаьмнех болчу нахе тхобга ца дийцийтархьама. И дарца цара гуттара а шаьш летиначу къинойн барам тІехбоккху, амма Делан обгІазло эххар а тІекхьачна царна.

#### *ПахІална тассалникахошка ван лаар*

<sup>17</sup> Тхо, динан вежарий, дегнашца вовшах даьхна а доцуш, ткъа вай юьхъ-дуйхьал ца хиларна йоццучу ханна вовшахдаьхна дара, цундела кхин а боккхачу деган лаамца шу ган гІертара тхо. <sup>18</sup> Цундела тхуна шу долчу дахка лаьара. ПахІал волу со цкъа а, шозза а гІоьртира шу долчу ван, амма иблисо тхуна массарна а новкъарло йора. <sup>19</sup> Ткъа мила ву хІинца тхуна дегайовхо луш верг, я тхуна хазахобъуйтуш верг, я тхан сийлаллин таж? Шу-м дац те уьш, тхан Веза Эла волчу Иийсана хьалха, Иза кху дуьнен чу юхавогІуш, хиндерш? <sup>20</sup> Шу ду тхан сийлалла а, хазахетар а.

**3** <sup>1</sup> Цундела шу ца гуш кхин са а ца тохаделла, тхьаш Атина-гІалахъ севцира тхо. <sup>2-3</sup> Ткъа шу долчу тхайн динан ваша Тимапи вахийтира оха. Иза Делан гІуллакх а деш, тхобца Дала леррина Къобалвинчух лаьцна хаза хьаь кхайкхош къахьобъуш ву. Аша хьобъучу халонашкахъ шун цхьаннен а ойла ца карчийтархьама, шу динехъ чІагІдалийт а, Делаш тешаран гІуллакхна тІехъ шун дегнаш иракарахІитто а вахийтина оха иза. Шуна шайна хьаь, иштта халонаш вай лан езийла. <sup>4</sup> Тхьаш шубца долчу хенахъ, вай баланах хьобург хиларх лаьцна оха хьалххе дІахайитинера шуйга. Шуна ма-хьара, и дерриг а шубца хила а хилира. <sup>5</sup> Цундела, шун Иийсах тешаран гІуллакх муха ду хаа лууш, шун ойла иблисо карчорна кхобруш,

<sup>2:14</sup> Векалийн 17:5. <sup>2:15</sup> Векалийн 9:23, 29; 13:45, 50; 14:2, 5, 19; 17:5, 13; 18:12.

<sup>3:1</sup> Векалийн 17:15.

вай хьегна къа эрна хиларна сагатдеш, аса шу долчу Тимапи вахийтинера. <sup>6</sup> Ткъа хІинца Тимапи шу долчуьра схьавеана. Шун тешарх а, безамах а, шуна тхо даим а диканца дагахъ латтарх а, тхуна шу санна, шуна а тхо ган лаарх а лаьцна дика хабар деана цо тхобга. <sup>7</sup> Ткъа мел баланехъ а, халонашкахъ а тхьаш делахъ а, Везачу Элах шу тешар бахъана долуш, динан вежарий, шух синтем хилла тхуна. <sup>8</sup> Шу Везачу Элаца чІагІделла долудела, тхо хІинца ирсе деха. <sup>9</sup> Шуна тІера Далла тоьал баркаллаш муха эр дара те оха? Шу бахъана долуш Далла хьалха даккхийдеш ма ду тхо. <sup>10</sup> Шун юьхъ гархьама а, шун тешар кхочушхилийтархьама а, дийнаххьий, буйсанний доггах доІанаш дийр ду оха.

<sup>11</sup> Вайн Да волчу Дала Ша а, Вайн Веза Эла волчу Дала леррина къобалвинчу Иийса а некъ боккхийла тхуна шу долчу дахка. <sup>12</sup> Ткъа тхуна шу дезаре терра, вовшашка а, массо а адамашка а болчу безамах Везачу Эло шун дегнаш дузийла. <sup>13</sup> Цо шун дегнаш безамах дузуйтур ду, шу чІагІдархьама. ТІаккха вайн Да волчу Далла хьалха шуна бехк буйллийла а доцуш, деза а долуш хир ду шу, вайн Веза Эла волу Иийса, массо а Шен долахъ болчьарца кху дуьнен чу схьавогІучу хенахъ. Амин.

#### *Делан лаамехъ долудахар*

**4** <sup>1</sup> Ткъа хІинца, динан вежарий, Веза Эла волчу Иийсан дуйхьа, оха доккхачу дехарца доьху шуйга шаьш Далла хазахетарг дарна тІехъ оха шайга дийцинчул а, кхин а сов кхиамаш аш бахар. <sup>2</sup> Веза Эла волчу Иийсагара шайна оха хІун весеташ делла, шуна хьаь. <sup>3</sup> Бобха лаамаш кхочушбарх шайн догІамаш лардан деза аша, хІунда аьлча Делан лаам бу, Шен дуйхьа даз а дина, шу дІакъасто. <sup>4</sup> Шух хІоранна а хаа деза, цѐна а, шен сий лардеш а\*, Далла гергахъ бобхачу лаамех шен дегІ цѐна латто хІун дан деза. <sup>5</sup> Кхечу къаьмнех болу, Дела ца веза нах санна, нахаца леларан бобхачу лаамех дуьзна хила ца деза шу. <sup>6</sup> Цхьана а хІуманна тІехъ шайн вешина хьарам долуду гІуллакхаш лелаш ямартло ма е, шайна са йолу агІо лобхуш ма хила, хІунда аьлча иштта лелачарна массарна а Везачу Эло таІзар до. Шуйга иза дІахьедеш баккъалла а боху оха, хьалха тхьаш ма-дийцара. <sup>7</sup> Дала вай бобхачу лаамийн долахъ а доцуш, амма Шена хьалха цѐна лелийтархьама хьаржина. <sup>8</sup> Иштта дуйхьалваьлла леларг адамна дуйхьал ца волу, ткъа вайна Шен Деза Са лучу Далла дуйхьал волу.

<sup>9</sup> Шуна вовшийн деза Дала Ша Іамийна, шуйга цунах лаьцна оха цхьа а хІума дийца оьшуш дац. <sup>10</sup> ХІунда аьлча массо а Македон-махкара динан вежарий шуна баккъалла беза. Динан вежарий, шун вовшийн дезаш хилар

\* <sup>4:4</sup> Далла гергахъ бобхачу лаамех шен дегІ цѐна латто. Я иштта: шен зудчуьнца муха Іан веза.

<sup>3:6</sup> Векалийн 18:5.

кхин а чIагIдар тIедуьллу оха шуна. <sup>11</sup> Шу чIога гIерта деза тийна даха. Шайн гIуллакхаш а бен ма де. Оха шуьга хьалха весеташ ма-дарра, шайн куьйгашца хьанал рицкъа даккха. <sup>12</sup> Нагахь санна шу иштта лелахь, Делах ца тешачу нахе а шаьш лоруьтур ду аша, дахарехь оьшучунна тIехь а цхьаннан а гIо оьшуш а хир дац шу.

*Веза Эла кху дьунен чу юхаварах лаьцна*

<sup>13</sup> Динан вежарий, кхин болу дог диллинарш санна, шу гIайгIанехь ца хилийтархьама, беллачарех хуьлург шуна ца довзуьйтуш Iа ца лаьа суна. <sup>14</sup> Вай Iийса, вала а велла, денвелла хиларх теша дела, Iийсах тешаш белла болу нах а Дала Цуьнца стигалшка хьалабохург хиларх а теша.

<sup>15</sup> Везачу Элан дашца боху хIара оха шуьга, Веза Эла кху дьунен чу схьаваллалц, дехаш дисина долу вай, беллачарел хьалха девр дац. <sup>16</sup> ХIунда аьлча Веза Эла коьртачу маликан озаца а, Делан турба лакхарца а, Ша стигалара охьавуссур ву, ткъа Дала леррина Кьобалвинчух тешаш а болуш белларш хьалха денлур бу. <sup>17</sup> Цул тIаьхьа вай, далаза диснарш, царах дIа а кхетта, Везачу Элана дуйхьал мархашка хьаладохур ду. ТIаккха вай даим Везачу Элаца цхьаьна хир ду. <sup>18</sup> Иштта, хIокху дешнех вовшашна синтем а беш Iе.

*Веза Эла схьаваре кечло*

**С** <sup>1</sup> Динан вежарий, хин йолчу хенах а, заманах а лаьцна оха шуьга хIумма а яздан оьшуш дац. <sup>2</sup> Шуна шайна а билггала хаьа, буьйсанна цIеххьана вогу къу санна, иштта дагахь доцпучу хенахь тIекхочур ду Везачу Элан де. <sup>3</sup> «ХIинца машар бу, цхьа а кхерам а бац» — адамаша боххучу хенахь, берах йолчу зудчунна цIеххьана тIедогу лазарш санна, цIеххьана тIедогу ду церан хIаллакхилар а. Уьш кIелхьара а бевр бац. <sup>4</sup> Ткъа шу, динан вежарий, боданехь дац, и де, къу санна, шуна тIекхача. <sup>5</sup> Шу массо а серлонан кIентий а, дийнан кIентий а ду. Вай буьйсанан я боданан кIентий дац. <sup>6</sup> Цундела вай дийшина Iан ца деза, боданехь болу кхиберш санна, амма сема а, кхетамехь а хила деза. <sup>7</sup> ХIунда аьлча бийшина болчара буьйсанна наб йо, маларх там хилларш а буьйсанна беа. <sup>8</sup> Ткъа вай серлонан кIентий долу дела, Делах тешарх а, вовшийн дезарх а гIагI а дина, Дала леррина Кьобалвинчо вай кIелхьардахаре сатуьйсуш хиларх гIем<sup>а</sup> а йина, кхетамехь хила деза. <sup>9</sup> Вай Дала оьгIазлонна а доцуш, ткъа вайн Веза Эла волчу Дала леррина кьобалвинчу Iийсагахула вайна кIелхьардовлар далархьама хаьржина ду. <sup>10</sup> Iийса вайн дуйхьа велла, вай Шеца дахийтархьама, Иза схьавогуьчу хенахь вай дийна я делла делахь а. <sup>11</sup> Цундела, хIинцалц санна, вовшийн дог а эца, вовшашна чIагIдала гIо а де.

<sup>4:15-17</sup> 1 Коринтхошка 15:51-52. <sup>5:8</sup> ЕшаI-ЯхIу 59:17; Эпасхошка 6:13-17.

*ТIаьхьара а долу хьехарш а, маршаллаш а*

<sup>12</sup> Динан вежарий, доьху шуьга, Везачу Элан гIуллакх дан шуна куьйгалла а деш, хьехамаш а беш, шуна юкьахь къахьоьгуш берш ларар. <sup>13</sup> Церан болх бахьана долуш уьш тIехдика а, безамца а ларар доьху шуьга. Вовшашца бертахь Iелаш.

<sup>14</sup> Кхин а чIога доьху шуьга, динан вежарий, малончаш кхетабелаш, тийна-эсалчеран дог эцалаш, гIийлачарна гIо делаш, доккха собар долуш хилалаш массаьрца а. <sup>15</sup> Хьовсалаш, цхьаьнгге а цхьанна а вонна дуйхьал вон ма дайталаш, амма гуттара а вовшашна а, массарна а диканиг дан гIорталаш.

<sup>16</sup> Гуттара а самукъане а хилалаш, <sup>17</sup> даим а доIанаш деш а хилалаш, <sup>18</sup> массо а хIуманна Далла хастам а белаш, хIунда аьлча Дала леррина кьобалвинчу Iийсан долахь долчу шух лаьцна Делан иштта лаам болу дела.

<sup>19</sup> Йовш йолу цIе санна, Делан Са дIа ма дайталаш. <sup>20</sup> Делера болу хаамаш аьшнаш ма белаш. <sup>21</sup> Массо а хIума зен а зуьйш, диканиг схьалацалаш. <sup>22</sup> Муьлххачу а зуламах ларлолаш.

<sup>23</sup> Вайн синна паргIато луш волчу Дала Ша цIан а дина, массо а агIор Ша санна дойла вай. Цо шун са а, дог а, дегI а Веза Эла волу Дала леррина кьобалвина Iийса вогуьчу хенахь дуйззина кьиноьх цIена латтадойла. <sup>24</sup> ТIекхойкхург тешаме ву. Цо кхочушдийр ду хIара.

<sup>25</sup> Динан вежарий! ДоIанаш делаш тхуна тIера.

<sup>26</sup> Массо а динан вежаршка доггах\* маршалла ло.

<sup>27</sup> Везачу Элах дуй баарца доьху хIара кехат массо а динан вежаршна\*\* дешар.

<sup>28</sup> Вайн Везачу Эло, Дала леррина кьобалвинчу Iийсас, маьхза деш долу дика шуьца хуьлда\*\*\*.

\* <sup>5:26</sup> Доггах — ма-дарра аьлча: *Беза барт баккхарца массо а динан вежаршка маршалла ло.*

\*\* <sup>5:27</sup> Динан вежаршна — кхечу тептарш тIехь: *динан безачу вежаршна.*

\*\*\* <sup>5:28</sup> Цхьадолчу тептарш тIехь тIетохна ду: *Амин.*